

Anpao Kin.

THE DAYBREAK

"Wankantanhan Anpao kin hiyounhipi."--Luke 1. 78.

VOL. XXI

FOREST CITY, SO. DAK., JUNE, 1905

NO. 2

ANPAO - KIN:

Rev. E. Ashley,
Rev. W. J. Cleveland, EDITORS

Anpao-wotaniin wowapi kin wi iyohina, wiyawapi anpetu tokaheya eca wowapi tokxu kin ogra yewicakiciyapi ece.

Wi akenom (one year) on kaxpapi yamni kajujupi kta.

Wi xape kin kaxpapi wanji sam okise.

Icupi xni itokab kdajujupi kta.

Wowapi askabyapi maxaxama wanji qaix nonpa owapi kin mazaska eekiya. ANPAO KIN opeton okihipi kta.

Tuwa wowapi kagin kta ca wowapi ska sanil el owa kta.

Opetonpi kta wowapi hiyukiyapi qaix ed taku oyakapi kta ciup na hiyukiyapi eca, wowapi ojuha akand deced owapi kta.

REV. E. ASHLEY,
Cheyenne Agency, S. D.

Yawaxteya Caxeyatapi Wowapi Wan

ANPAO KIN icikoyagunyanpi qa wico-ran waxte ecom iyounpantakapi kta wookihl yuha. Okodakiciye-wakan opapi t'ka abebeya tipi kin hema iyotan taokiye waxte heca kta. Bixop waun kin eciyatanhan, taku ecamom onxaxpa oyakapi qa taku bduotaniin kta wacha kin hema owasin qa Tipiwakan iyaza omaxami woyakapi kin hema qa nakun Okodakiciye-wakan kin wotaniin tawa toktokeca ed kagapi kta. Oyate unkita-wapi kin owasin Anpao kin icupi qa sanm wicaxa tokceca wicacupi min ecam-mi.

W. H. HARR,
Yewicaxipi Bishop

WOTANIN ICEKA

California ekta wi akenonpa ean mazaskazi qupi kin mazaska woyawa tanka akesakowin kipi taspagi icaliyapi kin ins mazaska woyawa tanka akesaglogan kipi.

South Dakota el waniyanpi kin waniyetu tanyan ihunipi tka aksaka wanna wetu yunkan peji hanska, May 3 na 4 anpetu kin, hehanl lila icamna on ptebleska na sunkawakan koya wanjigji euwita tapi.

Hitunktanka kin lila oankoya igluotapi sa. Wica wanji na wiyela wanji kici waniyetu yamni yunkan eina opawinge wikcemna wicatonpi ece.

Zuzeca kin tohinni ista ecel icupi sni. Istinmapi nains kiktapi kinhan, na nipi nains tapi ekta ohinni ista yukawahan unpi ecec; icin istojuha takuni yuhapi sni kin he on hececapi.

Slesia ekta janjan kagapi kin lehanl on ti kagapi kta janjan maka spanyanpi wahinskokeca kagapi, na lila suta. Hecel tuwe hecel cin kinhan wanna janjan tipi ogra ti kta okihi.



THE ASCENSION.
Wankant iyaye cin.

Tunkansilayapi ti kin Tipi Ska eciyapi, na wanna ataya apikiyapi yunkan sanpa tanka na waste kagapi. Hekta Tunkansilawicayapi otapi qon tawicupi oyasin wicisanpa lecala el yanka cin, Mrs. Roosevelt eciyapi kin, he Tipi Ska kin tanyan awanyaka keyapi.

United States el mazacanku lila ota tka hena wanjini Government tawa sni. Panama makoce ekta wata tanka mini ocanku tanka kagapi kta hel ecela wanji ptecela Government tawa. Maka iyutapi wikcemna zaptan hehankeca.

Lakota kin Government kapi kinhan "Tunkansilayapi" eyapi sa qon he tanyan sni on wanna ayuptanpi waste. Icin wicasa wan Tunkansilayapi kin he Government kin ee sni. He Government el opa, na el oitancan toka-pa ee tka iyatayela wope takuni kagin kta okihi sni. Government kin wope na woyustan kapapi kin hena ecel econpi kta awanyaka na hel ecela iyatayela wowa-sake yuha. Hecel Government kapi kinhan Tunkansilayapi eyapi kin kipi sni.

Tunkansilayapi kin lecala wiyohipetaya wigni omani, asnikiyin kta ca he on. Mato nonpa wicakte keyapi.

Wicasa omceage kin lehanl togye aya keyapi. Wica kin ins sanpa pteptecapila aya na winyan kin ins sanpa hanskaska aya keyapi. Wica kin ins lila canli yatapi na cononpapi kin on heciyatanhan pteptecela ayapi keyapi, tka winyan kin ins taku eciyatanhan on sanpa hanskaska ical au kin he oyakapi sni.

United States kin ataya Sunday Schools opapi kin woyaya tanka wikcemna sanpa woyawa yamni sanm iyeya, na ikce wayawapi el opapi kin ins woyawa tanka wikcemna sanpa woyawa tanka sakpe henakecapi.

Tahcasunkala tuktel peji wayasla omanipi na peji nasujapi kin waniyetu sakpe behanyan ake peji icage sni.

Kilkenny Castle, Ireland makoce ekta he cin, he lila tipi suta naceca. Kagapi ehantanhan wanna waniyetu opawinge saglogan tka timahel tipi kin ota otokahe ekta tokel han qon nahanicin lehanyan hecetuwanjica han, na wicasa qeya ogra otipi.

United States taakicita mazawakan teca lecala wicacupi kte cin hena isnala mazawakan kapojela, tka mazasu maka iyutapi zaptan behanyan ehpeyin kta okihi.

Sunkawakan hin liota kin isnala waniyetu ota nipi ececa keyapi. Kan ayapi kinhan nakun ska ayapi.

Fort Totten, N. D.

Kangi paha Brotherhood of Saint Andrew, Oadetka (Chapter) No. 1699 kan. H. R. D. Two Bear, President; B. Rainbow, Vice President; Willie Rees, Treasurer; R. Little Cloud, Secretary; W. D. Rees, corresponding secretary. Hecen wicakalinigapi, tokata St. Andrew Taanpetu kin hehanyan, hecen Brotherhood St. Andrew wocekiye on unkiksuya po.

Rev. W. D. Rees.

Crow Creek etanhan.

Anpao kin: De daotaniin kta iceciye do. St. Peter en okodakiciye icage kta winyan zaptan iyotiyekiya wowaši econpi qon wanji unkitapi. Louise Call him April 11 en te, waniyetu nom waniyetu wayazanke. Hecceca esa tohanyan iyotankehan yanka okihi kin hehanyan tipi wakan en ikdou ece. Hecen maka akan Wakantanka tamaga en wowaši econ qon wanna oiyanke ihunni. Wicasa tawa qa cinca wanji hena teli akipapi. Hecen winyan omniciye owasin wokicanpte wocekiye on unyeksuyapi uncinpi.

Thomas W. Hoffman.

Ponca Creek, So. Dak.

All Saints Chapel
Lena wakanheja kin Rev. Wm. Saul Baptisma wicagu:

Feb. 21, 1905, Mattheos Baptisma wakan qupi, he Joseph na Mary Bad Bear cincapi.

Nahan April 25, 1905, Peter Baptisma wakan qupi, he Henry na Emma Milk cincapi.

WICATE.

Feb. 21, 1905, Mattheos Bad Bear; Feb. 23d Edward Thigh.

April 28 1905 Bessie Milk; nahan May 7 Peter Milk.

WAKANKICIYUZAPI.

May 13 1905 Hohwoju ekta, St. John Tipi wakan el Joseph Walking Crane na Miss Jessie Crane kiciyuzapi, Rev. E. Ashley kiciyuswicakiye. Wica kin le Daniel Pehansanmani cinca. Lakota oyasin Pehansanmani slolyapi na ceca. Hohwoju el tokaheya Okolakiciye wakan opapi he wanji na ohinni katins yunkela ca heca slolyapi. Wikoškalaka kin he Pehan cinwintku kin hee. Tohinni wicasa kin he tiwahe tawa oyasin Skain el Wicohan yuhapi tka nunipi, qeyas tiwahe tawa om tiyata glipi wanna.

THE DAYBREAK.

Rev. E. ASHLEY,
Rev. W. J. CLEVELAND
EDITORS.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter

OKOLAKICIE WAKAN WIYAWAPI.

June wi kin.

1. Ascension Anpetu.... Ska
4. Ascension iyohakab Anpetu Wakan kin.....Ska
11. Anpetu Wakan Ska.....Ša Nakun St. Barnabas Taanpetu
12. Anpetu-Wakan-Ska Anpetu-wakan el Monday.... Ša
13. Anpetu-Wakan-Ska Anpetu-wakan el Tuesday.... Ša
- 14, 16 na 17 Ember anpetu.
18. Yamni Taanpetu-wakan kin
24. Saint John Baptisma-wicaku Taanpetu kin..... Ska
25. Yamni iyohakab Anpetu
29. St. Peter Taanpetu kin... Ša

Wotanin-wašte Ayapi On Wocekiye.

Anpetu iyohi wicakaya he cin ehan
Ayapi kta:

Wanikiya wašte isto wacantkiya nitawa kdugad, canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwicayapi nunwe. Amen.

Yewicašipi kin on.

O Wakantanka, tuwe wicawe wanjila on, wicaša oyate hiyeye cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wookiye owicakiyakin kta e Nicinca wašte uyaš qon; wicaša oyasin onilepi na iyenianpi kta unqupi ye. Oyate kin optaye nitawa kin opewicaya ye, na Ikcewicaša kin wokiconze nitawa ekta awicagli ye. Tona wicaye-
eo kin ecala wicaluecetu, na nitokiconze kin kohanna uyakiyin kta iceunniciyapi; Jesus Christ Itancanunyanpi kin hee eciyatanhan. Amen.

Wotapi šni Itokam Wocekiye wan.

O Itancan, wopida unničupi. Wotekdapi kin wodwicaya ye, qn wicaša owasin, maka sitomni-

yan, Wiconi Aguyapi ni un kin Mahpiya eciyatanhan hi kin he odepi qa iyeyapi kta e iceunniciyapi. Amen.

Grace before Meals

Thanks be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. Amen.

WOCEKIE WOWAPI KIN ON WOWICALA KIN.

1. Wowicala kin he taku he?

Wowapi Wakan kin el wowicala oyakapi na akanl Christian Okolakiciye Wakan kin kağapi kin hena pcepceyela oyakapi wan heca.

2. Latin woeye tukte wanji etanhan eaje, wowicala eyapi kin, he icupi, na on tokel kapi he?

"Credo" eyapi qon he etanhan, na on "wicawala" kapi.

3. Wocekiye Wowapi kin el Wowicala kin he okağe tonakeca yukan he?

Nonpa; Wahošiyepi Tawowicala eciyapi kin he nahan wanji Nicene Wowicala eciyapi ece kin he.

4. Toka ca tokaheya kin he "Wahošiyepi Tawowicala" eciyapi he?

Wahošiyepi tawowapi kin el woonspe taninyan he cin hena el opa kin heon, na St. Paul na St. Jude, "wicoie on zaniyan unpi", "wowacinye ehanna wicaša wakan wicakupi qon," 2 Tim. 1: 13, na Jude 3 el cajeyatapi kin, hena ee he ceŋunglapica šni kin he on etanhan.

5. Tukteltanhan wowicala kin icupi he?

He Christian Okolakiciye Wakan otokeyatanhan tawowicala qon hee na Wahošiyepi Wakan ni unpi qon etanhan sanm sanm okiciyakapi.

6. Christian wowicala kin he tuktel tokaheya wowapi el kağapi ca iyeunyanpi he?

Ignatius tawowapi (A. D. 69) kin hel Wahošiyepi Tawowicala kin Wocekiye Wowapi kin el tokel oyakapi kin ataya kinil iyecehcin owapi iyeunyanpi.

7. Ignatius he tuwe he? na tonwel ni un tka he?

He St. John waonspewicakiye çon wanji ee, na Wahošiyepi qon he Christian Wicaša Wakan owe kin el opakiya keyapi. Omaka 69 qon ehanl Antioch el Bishop kağapi, na omaka 107, nainš 115, qon ehanl Rome ekta tawowicala kin on ktepi.

8. Jerusalem, na Antioch, na Ephesus, na Alexandria, na Rome hena iyohila ektakta Okolakiciye Wakan wowicala yuhapi ca wowapi el hecel unyawapi. Wowicala wan iye yuhapi qon he ee he?

Ho; Okolakiciye Wakan kin ošpaye oyasin okiwanjila wahece-tušna wowicala yuhapi, eyaš tuka

Okolakiciye ošpaye kin hunh wicala kin yuhanskeya kağapi, cankelaka ijeħan wokiciyag unpi šni kin he on etanhan, na taku ikceya i ece on okiciyakapi can-nahanšna kin he owotanla lice oyakapi šni ececa kin on etanhan Okolakiciye ošpaye iyohila el tokelkel wowicala kin yuhapi qon oyasin eikciqayela kicitokeca.

9. Kicitokeca qon hena tonweltu, na tukteltu ca yuokiwanjilapi he?

Bythinia makoce kin el, Nice ekta, A. D. 325, qon ehanl tokaheya Ataya Omniciye Tanka yuhapi qon he ekta woyušan qon he wanji ee.

10. Hel hecel yušanpi kin on etanhan Nice ekta Omniciye Tanka qon iye Christian Wowicala kin kağapi eyapi kinhan he wowicake he?

Hiya, awicakehan wowicake šni. Omniciye Tanka qon he ekta Bishop hipi qon hena Wowicala kin tokaheya kağapi šni, tka ee wayaotanin škanpi ececa, iyohila iye Okolakiciye ošpaye tawa kin el otokaheyanhan na-jin tokel wowicala kin yuhapi qon he oyaka, na heceglala.

11. Toka ca Nice ekta Omniciye Tanka qon he taku tanka lica, na oslolye (interesting) wašte yawapi he?

Wahošiyepi tpi na iyohakab Okolakiciye Wakan kin tokaheya Ataya Omniciye Tanka yuhapi qon hee kin he on na ekta Christian wowacinye kin el on wicani kta wowicake ihankeya wankan-tuya kin, Itancan Wašte unkita-wapi kin He Wakantanka Ee kin, he iwoglakapi, na on tokel woonspe kte cin yušanpi qon he on etanhan.

12. Tuwe ca omniciye qon he wicayuwitaya, na taku on etanhan hecon he?

Rome ekta Christian emperor (Ataya Itancan) tokaheya, Constantine eciyapi, qon he Bishop ota, na wicaša okinihan tektokeca hecel icekiyapi kin on wicayuwitaya, na Egypt makoce ekta Presbyter (Wošna kağapi) wan Arius eciyapi, na Alexandria etanhan qon he Christ awicakeya Wakantanka šni keya, na otokahe wanica šni, na Wakantanka Ateyapi kin Iye Christ kağapi, na Ateyapi kin kici okiwanjila šni keye çon on waakinicapi kağapi çon he iwoglakapi na on woyušan kağapi kta ca on wicayuwitaya.

13. Waakinicapi qon he tokel anaptapi he?

Wowapi Wakan kin el tokel eyapi kin he, nahan Okolakiciye Wakan kin ataya tokel wowicala yuke cin hena el olepi kin on; to-na omniciye el opapi kin oyasin Okolakiciye Wakan ošpaye etanhanpi kin hena el el tokel otokaheyanhan wicalapi, na onspewicakiyapi qon hena oyakapi na oğna woyušan kağapi.

14. Omniciye qon tohanyan

škanpi, na el opapi qon hena tona eepi he?

Wi yamni ikiyela behanyan škanpi, na wicaša koktopawinge nonpa sanm iyeya, na wowicala kin inakicijinpi kta ea on maka kin owancaya Christian aweweya unpi kin etanhanhan 2000 sanm iyeya el ahi opapi. Bishop kinhan opawinge yamni sanpa wicemna wanji akešaglogan el opapi, nahan nakun Wicaša Wakan tokeca lila ota, na hena ota oyate wicalapi šni kin Christian šicayawicakuwapi qonhanl el kakijapi na teliya ontonwicayapi qon hecapi.

15. Wakaneekiye Okolakiciye Arius tawowicala wicakapi šni qon oğna wicalapi, na Christ He Wakantanka šni keyapi wanji lehanl maka kin el yukanpi he?

Ho, Unitarians ewicakiyapi kin eepi.

16. Toka ca wowicala yuhapi kta iyececa hea he?

Christian wowacinye kin el wowicake oahegle yanke cin hena tona ee hea e wicaša tuwepi keša oyasin slolyapi kta ca he on etanhan.

17. Toka ca ptaŋela waceunki-yapi cannahanska iyena ekta Wowicala kin he unkeyapi sa he?

(1) He Wakantanka on oholapi na anağoptan unpi kta oğlakapi woecon wan heca kin he on etanhan. (2) Wowacinye kin el taku tona oahegle yanke cin hena ohinniyan tanyan sloly unqonpi, na eciyatanhan on ektasniyan wicaunlapi kte šni ea on okopešni-unyanpi wan yuha unqonpi kta ca heon.

18. Toka ca wowicala kin he najinhan najin ece unkeyapi he?

Hecel najinpi kin on wakitan-yan unškanpi kin he, na wowacinye unkitawapi kin inaunkicijinpi kta iwinyeya unqonpi kin koya on unkigluotaninpi kta kipi kin he on etanhan.

19. Toka ca Wicaša Wakan na wakaneekiye omniciye kin hunh Wowicala kin eyapi kta cannahan wiyohiyanpatakiya ekta itoheya iglamnapi na eyapi he?

He wicohan lila ehanna, na otokahe ekta Christian unpi qon Christ Iye Woowotanla Anpetuwi kin ee e wicalapi qon he gluotaninpi kta ca on econpi sa. Anpetuwi mime kin wiyohiyanpata hinapa, na maka kin iyoyabye cin he iyecel Christ, unnağipi kin ekta iyoyabunyanpi kin, He inonpa hi kinhan wiyohiyanpata tanin kta wicalapi tka qon.

20. Toka ca Wowicala kin unkeyapi cannahan Jesus cajeyatapi kin ekta unkipatujapi he?

(1) Wowapi Wakan kin el, "Jesus caje kin el hupahu kin oyasin canpeška makagle enajin kta" eya unkokiyakapi kin he on etanhan. Phil. 2:10.

(2) Woyuonihan woecon heca, na on Christ Iye Wakantanka ee e wicaunlapi kin he unkigluotaninpi.

(3) Okolakiciye Wakan kin wanna waniyetu opawinge ota hecel econpi sa, yunkan unkiš hecena wocon kin be ogna unškanpi kin on Okolakiciye Wakan otokaheyatanhan lehanyan hi-hunni heuntanhanpi kin he unki-gluotaninpi.

21. Wowicala kin el "Catholic" eyapi kinhan on tokel kapi he?

"Ataya," nainš "Owancaya" hecel kapi.

Porcupine District, S. D.

Anpao kin:

Mitakola, Anpetu lehanl tokel waun kin he owaglak kin kta na tona Christian niglawapi on hena namayaŋonpi kta wacin. Ska unpi wocekiye tawapi el owapa, na hetanhan waniyetu wiceenna nom sanpa nonpa, yunkan hetan tahenakiya kakel onspemičiye lo. Waonsiwala kta, na wacinmatanka kta onspemičiyela. Yunkan taku on hecel onmaspe kta waun waškan kin he Wakantanka ee ca wakanwala na išnala ohowala. Woonspe wan onmaspe kta ca kuwa mawani kin icunhan inš nakun wokakiye wakiye telihike ota awakipa ye lo mitakolapi. Tokaheya mitankšila wanji iyotan temahila kin he te lo, na hehan atewaye te lo, na hehan micinkši zaptanpi on oyasin owecinhan makitapi, na hunkupi kin ehake makite. Ho hecel awakipa, yukan mišnala makotahena waun kin iyemaceca, teliya waun selececa. Hececa eša kitanla blihemičiya uwate lo. Yunkan mitakolapi Taku wakan omakiye na onšimala nacece lo epce lo. Maka akanl oigluha wanji okihimayan. Winyan tiwahe igluha ca March 16, 1903 kici waun, cinca nonpa, unma winyan na unma hokšila, hecel taku iyuha wagnu nium ake iyecel micupi selececa canke wopila epa. Yunkan mitakolapi isanpa ake hokšila wan Dec. 16, 1904 anpetu zaptan ŋanhepi ehanl mičitonpi, hecel awicakeya wopila. Wowi-kuškin hena omajula se waun we lo. Ho hecel eya onmašike eša lila wibluškin kin on January 1, 1905 anpetu oštan ptegleška wan wakte na Christian mitakolapi kin ob wiyuškinyan wawate lo. Ho hecel micinkši Miniakaštanpi kta caje kicaŋnigapi kin he Solomon he kicaŋnigapi, na maka owancaya wicaša tona Christian hecapi na wotanin wašte oyakapi na taku wašte ecela on hotaninyan unpi hecinhan hena caje wicayuha kta wecaŋniga on Howašte eciyape lo.

Ho hecel mitakolapi ake mi-glucetu kin on pilaya wowaglake ca tona Anpao kolayayapi hecinhan hena le wanlakapi kin wopila emiyeeyapi nin. Awicakehan nitakolapi onšike cin miye ye lo.

Cain White Shield.

White Clay District,
St. Peter's-etanhan.

Anpao kin:

Mitakola taku wanji yao-tanin ciši kta. Eya tohanni heye šni waun tka taku wanji iyo-makipi lica econpi heon. Hekta January 17-18 henayos ošpaye tom omniciye yuhapi: St. Peter, St. John, St. James na St. Julia hena topa. Yunkan taku tona iwoglakapi kin wowicake heca ca iwoglakapi. Tokaheya January 17th 7 o'clock etanhan omniciye iyaye na Okolakiciye wakan kuwapi kta, ho e na hehanl wocekiye wicala kin na wocekiye wicala šni koya icijenayan au škanpi kin he hecetu he. Na hehan le oyate kin wocekiye kul ye cin takuca on hececa he. Na hehanl igluhap eyapi kin he tokel kapi he. Ho woonspe lena topa iwoglakapi tka wicaša lenakecapi 59 canke hena el tokenkel wicohan kin tanyan ablesunyanpi hecel sanpa tanyan awauncinpi kta wašte ke-pca. Hehan nakun wowapi wakan etan wicoie waštešte naunhonpi St. Mark 2, oegle 21 "Tu-wena šina teca onšpa ogle tanila kin el akiglanton šni; hecon kinhan onšpa teca el akagegepi kin he tanila kin etanhan namna kta, hecel oyuhlece cin sanpa tanka kta." Hehanl o. 22 el "Nakun tuwena miniša teca ojuha tauila kin el okaštan šni; hecon kinhan miniša teca kin he ojuha tanila kin kalehca ece, hecel miniša skepe ca ojuha kin ibangyapi; tka miniša teca kin ojuha teca kin el okaštanpi kta." Ho henayozakiya micante on obluspe na sanpa awiblukecan. Ho heon mitakuyepi wowapi wakan el wicoie kin lena unkablezapi na el wiunkopapi kta iyececa heon oblake. Ho hehanl taku wanji ake epa wacin, yunkan wocekiye wicohan lila tke lo mitakuyepi, lakaš Jesus ee kayeš taku iyuha cetunglapi na teliya kuwapi na ecel ktepi. Ho lehanl maka akanl oie ecela on wowaši econqonpi.

Ho Anpao tona kolayayapi kin hena le anpetu wiyuškinyan nape ociyuspape lo. Ho nitakolapi wanji iyotaniyekiye koškalaka om wowaši econla qon he miye ca bepe lo.

Mr. Philip Return from Scout

Anpao kin:

Kolaciye epce kin on taku wanji iyokipi šni waun kin he omiyecilakin kta wacin. Washington D. C. el Wakiya wicaša ocicib yankapi na United States ataya iyojula woiwanyake yuhapi kin he ehantanhan Christian hecapi hecinhan Taku wakan kokipeyahan wookiye oyasin wowicake lica ece on, na akantanhan tokel eyapi oyasin, na akagapi cola glucetupi na onšunlapi nin ecanmi. Wookiye lenakeca, 1850, 1856, 1868, 1876 na 1889, lena Ikcewicaša ob kagapi qon iyotan

wookiye yamni tokaheya kin hena tanyan ecaunkiconpi šni, hankeya akalipeton wacinpi. Lehantu lica hena unkablezapi wašte. Tokel ekiciyapi na iciconzapi qon onšpa ece kajujupi šni. Yunkan woyakapi wanji weksuya. Tuwe walpanica onšika wan taku wanji wiyopekiyin na tokel he iglawaqon, tuwe jica heca opekicaton kta keya. Yunkan tokel iglawaqon aokpaniyan on kiyukan. Wowapi wakan walpanica kakišwicayapi kin eya cajeyata keye, inš Wakantanka walpanica ite wicayumanpi eya cajeyata. Yunkan Tunkanšilayapi wookiye lenakeca icitakignag kagi, na hena wokajuju waniyetu iyawa cajeyata can Ikcewicaša onšika Ho eyapi qon, oyasin hankeyela ece kajuju, na iye makoce ciquon el ikapeya oju hiyupi, na iwašte iciyapi na el walpanica kul unyanpi. Iho Lakota onšika unqonpi lena kakiš unyanpi šni he. Hiya kakiš unyanpi, na ite unyumanpi šni he, hiya ite unyumanpi. Na lehanl iyotanš taku oyasin iyopaštag unkuwapi on nahan wanji lici tonwin kta sece eye lese unkaupi, na wookiye wanji on taku unkapi oyasin ikapeye wuncinpi ece škanpi on ecaš wicowicašašni ece wanunyakapi kta naceca ecanmi.

Lecel eya škanpi kin heon hepa. Tohan kin waniyetu iyenanikecapi kta hwo. Tohan kin igluha henicecapi kta he heyapi. Icin tokiyatatanhan lena oiyeunhantupi kta huwo. Wicaša oyasin wašicun unkiapi šni. Wowapi unkonspepi šni, na makiyublu wan sutaya unyuzapi na litanunpi na taku su unkojupi, oyasin okihiya icaŋunyanpi na aicage cin on mazaša unkiqlamnapi huwo. Hiya hinaŋin hehanyan unyanpi šni, tka iyatagleunyanpi wacinpi na ece maka icu ayapi. Heon woyakapi wan epin kta. Wanbli wan anpetu ihunniyan towašake on škiciya lupahu suta lakaš taku econ kte cin oyasin okihi, yukan Keya wan he wanyake na iyecel kici un kta keya na kinyin kta cin, hecel wanbli qon wankantakiya yuha iyaye, na ho lila škan yo eye, hecel keya kin lila škan tka ecin lupahunica na kinyin kta kipi šni, lakaš hehese ku na maku kableze sel, yunkan mini wan el lipayi na taku okahukiyab icu lipaye, heon ituŋci aziya e ihpeičiye qon he iyeuncecapi kte. Ecin wašicun kin toškiciyapi wankantuya na anpetu ihunniyan litanipi, taku oyasin okihihi na makata nahanlein unqonpi iyecel taku oyasin ikipi šni lica unqonpi tka. Inše makoce wan agle unyankapi kin le tokeške lhanpi yunkan ake oju hiyupi kte cin hecinpi lica? Le eciyatan kta. Ito oyasin maka unki cupi eša el anpetu ihunniyan litanipi unkihihi šni na oyasin ničiya lica heuncapi šni he ataninyan han. Na icunhan tokiya-

tanhan mazaska hena unyuhapi na on wiakenonpa can wokajuju walpaye kajujupi kte cin he ihunniunyanpi takula šni. Heon lecon kta, tona kajuju unkihihi šni oyasin kohanna onšpa wiyopekiya unkayapi na unglusotapi can heyab iyeunyanpi kta, tuwa hankeyela kajuju okihi hektakiya akab koya icupi na heyab iyeypapi kta, na tuwa te cin cinca kin wicakicicajujupi kta, na lena oyasin wašicun lica ogna hiyotankapi kta eceela woope. Hecel keya wan ituŋci makoskanl gli-lipaye qon iyeuncecapi kta tanin. Wookiye taku ke qon hena yuptanyan ayutokecapi wacin na iye tokel iwaštepi kta ognayan woope aičicagapi na woope akagapi ece aogluteya unkuwapi ke-pca. Hecel Lakota lica Christian yaunpi hena taku wašte onspeunkiciyapi na sanpa unkonspapi uncinpi he wašte, tka sanpa nakun Washington D. C. etan taku hinape u kin, inš wicaša wanji u kin ables wacin piye. Tokaš talica šunka ha oičiginpi sece. Hehanyan epin kta. Christian oyasin, na Anpao okolaye cin oyasin napeciyuzaph. Nitakolapi iyotan onšike cin he niye.

John B. Wolf.

Grass Creek, Pine Ridge, S. D.

St. Mary's Chap. etanhan.

Anpao kin:

Ito miš lehanl taku awacanmi sa kin hena epin kta wacin ye. Yunkan Christian kin hukulyapi, na tuwe ca Christian wašte icagin kta he, Jesus unkiyepi on te kin he wicake na išnala wacinyepica, na tuwe tokeca iyececa wanica na iyeŋcaheya "Wiyuškin po, miye maka kin ohiwaya ce" eya. Nakun heye "Ate tona mayaqu kin hena tokiya waun kin hel mici unpi kta wacin," eye. Yunkan ecin makoce wan iyotan wašte, malpiya ekta yanke cin, heciya wicokuje wicokakiye, woiyokišica, wicaceya wanica, na tona ekta unpi qon hena tawokoyake kin wiyakpakpapi, Wakantanka iyotan wašake yatanyan ilowan unpi qon ekta ounpapi kta ca unki cop i qon, heon tokel makoce wašte kin he iyounhipi kta iyecaca kin he akita unšipi, tka icunhan tanyan cajeunyatapi kta he lila un-kakitapi kin ee ye. Hecel tokel iyounhipi kta he. Otulanpi, miniwakan yatkanpi, witkowacipi, wahanicilapi, gnaye wawicakipi, waslolye icilapi, woonspe wicakapi šni, iciksuyapi šni, wakagapi oholapi sa, owewakankanpi, wawicilahanpi econpi sa, wamanonpi, ksapeicilapi, tanka icilapi hena ekta unki cop i he. Wana taku ota lica wagusote, na tanyan cajemayatapi na Jesus taku iwalomaye qon he wana wagusotan ce, unkeyapi kta he.

Taku eye cin ecel econqonpi na wana Christian wicaka heun-

api he, ecin wana wicaša oñan-yanpi qon wicisanpa unkohan-yanpi lakaš. Ho mitakuyepi taku aiyopteya unqonpi he tukte he. Hececa na hehanl tehanl Wotapi wakan unkiupi can na tuweni hena on aiciciya unkiupi kta unkokihipi šni, na heon tohanl unkiupi kta ektakiya unyanpi can kukuše wan upšija el iyunkin kta ye kin iyeuncecap. Icin woahani econqonpi qon hena otokahe kin isanpa uncinpi na heon unglutapi. Lakaš woonspe wanjikjiya eihpeunkiçiyapi, St. Luke 11:24. Heon wicohan tanka qon sanpa takuśniyan unkayapi, na wicohan ikceka ecela lila unkuwapi na iyotan tohanl July na wicaho naunyañonpi cana gnaškinyanyan naunjinpi, na anpetu ota iyotiyekiya wowaši econqonpi na woyuha unglamnap qon, oyasin five minutes ihunni šni kalala iyeunyanpi, na nañun sanpa taku econqonpi kta tanin šni naunjinpi cana wana hel oyate kin unkiupapi can eca tokel wahanunkiçilapi kin tuwe oyakin kta okihi cel. Eca mitakuyepi, Christ taakicita wacinyepica kin heuncapi na maka akanl wapaha kin gluha okicize econqonpi kta unkeyapi qon he wicaunkapi he. Hiya, wakanšica taakicita wacinyepica heuncapi; tase he wowaši econqonpi kta unkeyapi kin eca kacaš. Tani wicohan ekta unkinajinpi canna Eve iyeuncecap, icin Eve gnayanpi na waskuyeca yulkiyapi na sanpa Adam yulkiye qon iyecel Christian wašte unpi kta cinpi qon hena sanpa wicunkuwapi sa na wana tuwa Christian wicake-seca keš mazaša eciyapi wan icupi na yuha ekta. Hiya lowan au canna tawipe wacinkiya qon ayušan iyaya na Satan wowaši ecakicon kta ca wahanançilla inajinpi ece eye eca, econqonpi Christ unkiyepi on malipiya kin ekta wonihinciye tanka yuha cel eca, hecel tuktel on wan unkieihanpi kta he. Icin otokahe ekta Satan malipiya ekta onnye kta iyowinkiyapi kta qon ohakab iye tawiyukcan on takteni onnye kta iyowinkiyapi šni na ogligeya onnye qon iyeuncecap. Wayuotanin 12:7, 8, 9 al ohinniyan wanunyakapi kta hececa kin hetan wicotelike kin iyeunyanpi kta na hetan taku econqonpi ikounpapi kta. Icinonpa kin, Heb. 10:5, 29; St. Matt. 18:6; Wicoiye wakan 2:16; St. Matt. 5:28; Jere. 17:9. Ho mitakuyepi woonspe kin lena on wowakta unyuhapi kta wacin ye, na on Anpao kin icewakiye.

St. Mary's Chapel el winyan omniciye kin lecala apikiyapi na lena oitanan kin eepi: Pres. Mrs. Mary Red Horse; Vice Pres. Mrs. Lucy Eagle Bird; Treas. Miss Susie Red Hawk; Sec. Mrs. Stella Y. King; Sewing Sale, Miss Rosie L. King. Oyate kin heob, unqonpi yunkan conalapi

eša ohinniyan tokata etonwan onspeiciya škanpe.

Mrs. Mary King.

ST. ANDREW PROVINCIAL CHAPTER OMNICIYE

Hekta January 24 qa 25, 1905 anpetu kin hena ed St. Andrew Brotherhood, Niobrara Deanery ed Provincial Chapter unpi kin he Flandreau, So. Dakota ed Omniciye yuhapi. Oape yamni sampa hanke kin omniciye eced iyotankapi. Itancan kin, Mr. Ashley, he Rev. Mr. Holmes wocekiye econsi. He iyohakab Itancan kin wanna Omniciye yugan.

1. Delegates caje owicawapi hee. President, Rev. Ed. Ashley; Vice President, Mr. Louis Claymore; Sec'y, Thomas Arrow; Treasurer, Mr. Geo. Laurence. Holboju oyanke etanhan: Emanuel Chapter, Joseph Warrior; Charles LaPlant, Rev. George Redowl. St. Stephen's Chapter, Eugene St. Bull qa Wm. Jones hipi. Santee Oyanke etanhanpi kin: President, Joseph Cash. Delegates, Joseph Chapman, Chas. St. Clair, Samuel Stone. Holy Faith Chapter etanhan, John C. Tuttle qa Joseph Chase.

Yankton owakpamni etanhan, Rev. John Flockhart, President, Chas. Bruguir. Delegates, John Rondell, B. Archambeau, Matthew Arnold, Holy Name etan. Rev. Joseph Goodteacher. Delegates, Thomas Bates, Joseph H. Cook, Andrew McBride. Flandreau Chapter etanhan: President, Zenas Graham. Delegates, Wm. Jones, Thomas K. West, Samuel H. Weston.

Rev. Goodteacher wacajeyate qa heya, Rev. Henry St. Clair, John B. Chapman Minnesota etanhanpi is eya St. Andrew Brotherhood hecapi kin hena Omniciye kin de iyowajapi hea iyecen opapi kta. Eya owasin Ho eyapi qa yušanpi. Rev. Goodteacher ake wacajeyate qa heya, Wanna Program Committee unpi kin ihunnipi hecen tokeca wicunkalnigapi kte eya. Rev. Mr. Holmes, Joseph Warrior; Rev. George Redowl, John Istamaza qa Thomas Arrow unpi kta. Ho owasin hecetudapi ca yušanpi. Ake zaptanpi kta eyapi qa Rev. Mr. Holmes, Peter Thompson, Eugene St. Bull, Matthew Arnold qa Wm. Jones heepi. Wanna 5 o'clock ito enakiyapi.

Akeš 7 o'clock ake omniciye eced eyotanke, Rev. Mr. Ashley wocekiye econ. Itancan kin iwicawange qa Program taku iwohdakapi kta he eya. Owasin Ho eyapi.

1. St. Andrew Sunkakiciyapi Tawoope tokaheya kin en wocekiye woope cajeyate cin he St. Andrew Sunkakiciyapi kin token ahopapi kta iyececa, he Rev.

Mr. Ashley cajeyate qa heya. Okodakiciye wakan kin ed woope kin owasinna owa yanke, hena hecen toked econwicaš kin hecetula. Ecin Okodakiciye wakan kin hee tokahe qa St. Andrew Brotherhood hee okiye kta. Heecen Sunkakiciyapi opapi kin iye- pi hea wocekiye ayašan šni, anpetu iyohi eya unpi kta hecetula hea he kapi.

2. St. Andrew Sunkakiciyapi kin en Wocon woope kin he St. Andrew Sunkakiciyapi kin token ahopapi kta iyececa, he Rev. Joseph Goodteacher cajeyate qa heya. Token Okodakiciye wakan kin okiya škanpi kta qa litanipi kta ičiconzapi kin, hena owasin yuonihanyan, wicakeya, ksamyahan awaniçihdag mnihedya, waditagya ahopeya unškanpi kta eya.

3. Tona Wicayusutapi opapi kte cin he en St. Andrew Sunkakiciyapi opapi kin token wawokiyapi kta iyececa, he Rev. John Flockhart cajeyate qa, St. Andrew eciyapi kin opapi iyepi hea ca taniyatayena hea Okodakiciye ed wawokiyapi kta ca on hecen Wicayusutapi opapi kta ca Wošna kaga, Deacon, Koška itancan hena tona heca owicadepi kin token okihi wawokiyapi kte cin he hecetula hea.

4. St. Andrew Sunkakiciyapi kin tona Wotapi wakan icupie ece kin hena woiulan econpi kta iyececa he, he Mr. Joseph Zuyala cajeyata. St. Andrew opa wan woiulan econ kta he hecetula šni. Eya St. Andrew kin he wawokiyapi kta un qeyas Itulanpi he wawokiyapi kte he hecetula šni. Is he Okodakiciye wakan hee akicipatan kta kapi. Itulanpi he taku ota yušica ca, wicayatampi kta cinpi ca on walipaniçiyapi, qaiš tuwe tokeca taku tawa he cinpi on, is itkom ka eca maqu kte sece ecinpi on econpi. Iho eyaš Wowapi wakan ed taku wicayapi kinhan cotanka yajowicakiye šni yo, qaiš tuwe tokeca taku tawa cin šni yo, eyapi qon.

5. St. Andrew Sunkakiciyapi opapi kin wacipi kta iyececa he, he Mr. James Claymore cajeyatin kta tka hi šni, hecen Itancan kin he Rev. H. St. Clair cajeyate šni. Unkan heya, Dakon wacipi is Wašicun wacipi unmanna taniyan eye šni tka wacipi eya. Ho hecen taku wacipi eša kapi imdukan. Tka St. Andrew opa wan, is wocekiye opa wan taku wacipi eša opa kta iyecetu šni. Ecin wicaša wakanpi wowapi wakan yawa qa on wahokonwicakiye kta inajin eša, wowapi wakan ahohanzi kin hed Wakanšica wowiyutan kin un kta. Ho iyotan taku wacipi kte unkan he wakanšica tawa hea qa ed un kta.

6. St. Andrew Sunkakiciyapi kin tawaiciyapi en token ikduhapi kta iyececa kin he Rev. William Holmes cajeyate qa heya. St. Andrew opapi kin hena Wakananka ecedan wacinyanpi kte, qa tawoahope kin anagoptanpi kta, hecen tawaiciya maka kin akan cantewašteya ni kte. Tuwe tawaiciya heya keš miniwakan yatke qaiš taku ekta šniyan econ eša wicake šni. Ihnuhala maka woope on yuzapi qa eced wicakaška tipi wan mahed ehnapapi en hecen tawaiciye šni maka woope

hee tawa nakas kaška huaka iye tokel cin ecen cantewašteya un kte šni. Ho hehanyan enakiyapi wanna 10 p. m.

Jan. 25, 1905, 10 a. m. Wotapi wakan econpi qa 44 icupi qa wayawapi etanhan wikoška qa koškapi kin 31 icupi hecen ataya 73 icupi, qa wamnananpi kin is mazaska topa hena owas Dakota wicaša wakan tawomnaye en iyeeyapi. Ito qeyas iyozikiyapi.

Hehan wicokaya sanpa 2 ape cin ake omniciye iyotankapi qa koška tom sutaya opewicayapi, Hazen Graham, James qa Willie Cavender qa Sanford West hena hepi. Hehan taku iwohdakapi kinhekapapi kin hee.

7. St. Andrew Sunkakiciyapi opapi kin Anpetu wakan oko kin en wowaši econpi qa mazaska kamnapi kinhan tokenken wowi- yunyanpi kta iyececa kin he Mr. Thomas Arrow cajeyate. St. Andrew opapi kin token hani kta he eciyatanhan mazaska ongo kamnapi kinhan iyucanyan aih- diusotapi kte, qaiš tiwahe yuha echantanhan taku hayapi qa yuta- pi kte cin, qa etanhan kašpapi wani anpetu wakan womnaye en ešpeya kta, qa tawicu cinca token okihpi hecetula hea tka ee mini- wakan qaiš ikceya on magaci- ya yasote kta iyecetu šni.

8. St. Andrew Sunkakiciyapi opapi kin Oeconna en wayekiya- pi kta, qa hanhepi adataya aya- yamyapi kinhan he tokeca he Rev. L. C. Walker cajeyatin kta unkan hi šni hecen Itancan kin iye heya. St. Andrew Sunkaki- ciyapi opa wan econ en wayeki- ye kte qaiš opa kta iyecetu šni. Taku ohiyapi he womanon qa wocante šica kaga, qa wicaša šni wohnaye econpi echantanhan iyepi qaeš wani iyotan wicaša šni oñan wayapika ca he ohiya ecee qa taku tawapi owasin hecen he- naka wawieçikiçi.

9. St. Andrew Sunkakiciyapi opapi kin token econpi qa tiwahe tawapi kin Tipi Wakan en wace- kiya wicakdayapi kta iyececa, he Mr. David O. Weston cajeya- te qa heya. Mišnana iyotan tan- ka unkan cajeyata mayašipi. Ito wicalica kin de iyoha iyotaniye- kiyahe ehapi. He tuwa St. An- drew opa kinhan ito iye tokaheya ičicuwa qa oçih echantanhan he- han taku kin de tanyan okihi kta ce eya. Ho hehanyan Program taku iwohdakapi kin ihumniku- yapi.

Mr. Goodteacher wacajeyate ca ake tokata de iyecen omniciye unyuhapi kta he eya, owasin Ho eyapi, hecen tokata June 15th 1906 kinhan Ihankton tipi heni omniciye kta yušanpi. Wanna 5 ape cin on enakiyapi kta eyapi qa enakiyapi. Itayetu 8 ape Government School, Flandreau en he cin ekta owasin unkiopi, Dakota wakanheja hen wayawapi takuku ikpazopi kta ekta unkiopi.

Jan. 26th 1905 ake 9 ape he ehan ehake omniciye unyuhapi. Miye tokaheya wacajemdate, Pro- vincial Chapter kin de wowapi wani yuha iyecetu epa. Ho eya- pi qa yušanpi hecen wancag wa- mnayanpi na \$2.02 mnayanpi.

Hehan Mr. Holmes heya, ito qeyas Flandreau den Dakota unpi qa Wayawa tipi kin hena omnici- ye den unyuhapi kin tanyan un- kuwapi kin hena on wopida ewi- cunkiyapi kta naunjinpi kta eya. Owasin wopida eyapi on najinpi. Hehan downapi qa enakiyapi.

Thomas Arrow, Sec'y.